

郡紀

沔陽志一

唐堯之興因顓帝所建為九州其南為荆

爾雅註漢

南曰荆沔也

虞舜肇十有二州其一荆州

夏禹平水土還為九州荆及衡陽惟荆州蟠冢

導漢過三澁至于大別岷山導江過九江庭洞至

于東陵巴陵江漢朝宗于海沱潛既道雲上夢作

又

商湯奄有九有制如夏

志一

郡紀

一

周文王之化自北而南江漢之域先被其澤謂

之周南於是作漢廣之詩

武王受命亦為九州正南曰荆州川曰江漢藪

曰雲夢

成王封鬻熊曾孫熊繹於楚居丹陽歸州沔為楚

地景陵為鄖地漢志竟陵有鄖鄉水經註中

昭王五十一年王巡狩返濟漢舟解王與祭公

俱溺焉胡三省註左桑引水王經註也左雲杜在雲有杜

橫桑言得昭橫王喪處

晉於桑竟陵置橫桑戍

夷王時楚子熊渠甚得江漢民和至文王熊貲  
益彊陵江漢間小國

定王三年楚莊王侶總帥諸侯觀兵周郊并吞  
江漢之間

景王十六年魯昭公三年楚公子比為王公子黑肱

為令尹次于魚陂杜預註竟陵縣北有甘魚陂楚守甘魚之口亦此地

敬王十四年定公四年楚滅鄖封鬬辛為鄖公是歲

吳入郢昭王出奔入雲中盜攻之王走鄖鄖公

辛與王出奔隨涉於成臼杜預註竟陵縣西有臼水

志一 郡紀 二

赧王三十七年秦白起攻楚拔郢遂東至竟陵

秦始皇郡縣天下置南郡沔為南郡地

漢興高祖更置江夏郡竟陵為縣西北為雲杜

縣故志雲杜城在景陵西北梁於此置沔陽郡

李賢漢書註雲杜在沔陽縣西北沔為雲杜地故王莽改竟陵

曰守平

莽地皇元年竟陵三老漢鄉官名起兵於郡

界新市人王匡王鳳與馬武王常共起雲杜

綠林中二年荊州牧發兵攻之匡等迎擊於

雲杜大破牧軍遂攻拔竟陵

東漢竟陵 如漢

桓帝延熹七年正月戊辰桓帝幸竟陵過雲夢

臨沔水

獻帝建安三年九月蜀先主敗於長坂斜趨漢

津與關羽船會得濟沔 景陵今有廟

十月吳周瑜破曹操於烏林 按史走華引容今江比

林正在江北赤壁對  
故關羽亦曰烏林之役

三國竟陵雲杜吳地

志一 

---

 郡紀

三

晉初竟陵雲杜制如漢

武帝太康元年杜預鎮襄陽開揚口通零桂之

漕 預傳揚口起于沔水達巴陵水通經註楊州沔北陽

有夏水

惠帝元康九年分江夏西部都尉置竟陵郡治

石城領縣六 長壽竟陵新市

太安二年正月義陽蠻張昌聚黨為亂江沔間

起兵應之

七月荊州刺史劉弘以南蠻長史陶侃為大都

護遣攻昌於竟陵大破之

懷帝永嘉六年正月胡亢聚眾於竟陵自號楚

公以杜曾為竟陵太守

十二月杜弢別將王真襲沔陽按晉志南郡江

陽胡三省註當屬竟陵郡界宋白曰復州沔

成帝咸康五年九月石虎將夔安李農陷沔南

進圍石城竟陵太守李陽拒戰破之

穆帝永和四年十月石虎使其將符健寇竟陵

帝奕太和三年四月慕容暉將慕容塵寇竟陵

志一 郡紀 四

太守羅崇擊破之

武帝太元六年十二月符堅荊州刺史都貴遣

其司馬閻振寇竟陵桓冲遣冠軍將軍桓石虔

與其弟石民破之擒振按晉志成都

南宋初竟陵郡屬荊州孝建元年屬郢州領縣

竟陵木產連理其上有光

齊和帝中興元年蕭衍至竟陵命王茂曹景宗

為前軍進逼郢以中兵叅軍張法安守竟陵城

梁武帝分竟陵郡置沔陽郡隋志梁置沔陽郡

志梁置沔陽郡於漢竟陵縣地郡故

大通五年十二月魏荊州刺史賀拔勝遣軍攻

沔陽拔之

史文焯通鑑釋文沔陽屬梁中邑胡三省

史已為魏非有

太清三年司州刺史柳仲禮赴臺城竟陵郡守

孫暉以郡叛入于魏宇文泰使大都督符貴鎮

之

簡文帝太寶元年正月仲禮還暉仍以郡歸泰

將開府楊忠擒仲禮于滌頭別將王叔孫以竟

志一

郡紀

五

陵降于忠

史氏曰晉置竟陵郡治石城

陸今州安

書其事

何竟陵我郡也其治石城何石城竟陵地

也竟陵既自為郡凡大事必書書必繫於

竟陵明我郡事也書我郡事故不嫌於石

城也梁置沔陽郡竟陵為異郡矣復書其

事何存故也春秋書陳災詩列邶鄘之風

陳楚并之也邶鄘衛并之也何為復繫之

存之也

西魏省州陵惠懷二縣置縣曰建興今見隋志沈即

郡約志州陵屬江南改竟陵曰霄城并晉竟陵入城之魏也或

後周置復州湖取復名池治建興又省營陽州城二

郡入建興州見隋志營陽復以霄城為竟陵

隋文帝開皇間徙復州治竟陵

仁壽三年州治復徙建興

煬帝太業初改沔州又改建興曰沔陽尋復沔

陽郡統縣五沔陽監利竟陵甌山漢陽

大業十一年十一月城父朱粲聚眾轉掠荆沔

志一  
郡紀  
六

所過無噍類

恭帝義寧元年十月沔陽人張繡謀據郡叛隋

推蕭銑為主

唐高祖武德四年五月隋真定令周法明遣子

紹德攻沔陽拔之因以城降于唐

武德五年改復州屬山南道領縣三沔陽監利竟是

年徙復州治竟陵

太宗貞觀七年仍徙治沔陽

玄宗天寶元年改竟陵郡

肅宗乾元元年改復州

寶應二年徙治竟陵

穆宗長慶四年夏復州漢水溢決

僖宗乾符三年十一月濮州賊王仙芝黃巢攻

陷復州

光啓元年春正月淮南叛將張瓌韓師德陷復

州據之

昭宗天祐二年八月朱全忠遣楊師厚陷復州

五代梁復州曰武威歐陽脩五代以監利入江

志一

郡紀

七

陵府

太祖開平四年分漢江南為白沙徵料院屬江

沙始此  
故書

均王貞明五年五月吳武昌節度使季簡帥水

軍攻復州執知州鮑唐

晉高祖天福元年改復州曰景陵郡竟陵曰景

陵縣

周改沔州

宋太祖建隆三年改復州景陵郡領縣二景陵沔陽

乾德三年以白沙院為玉沙縣屬江陵

太宗太平興國五年七月復州江漲民舍隄塘皆壞

淳化二年七月復州蜀漢二江水漲壞民田廬

至道三年以江陵府玉沙縣來屬至是領二縣

仁宗寶元二年廢沔陽為鎮併其地入玉沙

神宗熙寧六年州廢以景陵隸安州玉沙亦廢

為鎮屬監利

哲宗元祐元年復置復州及王沙縣仍屬復州

志一 

---

 郡紀 

---

 八

欽宗靖康二年金人入寇殺鎮海軍節度使劉

延慶其徒祝進王在去為盜犯復州攝德安守

劉規連戰破之

高宗建炎元年九月都統制范瓊捕斬李孝忠

於復州

紹興三年五月復州水

孝宗淳熙三年夏復州旱冬大饑

八年七月復州不雨至於十一月明年五月不

雨至于七月

十五年五月荆江溢復州水

寧宗開禧二年金人圍襄陽德安游騎迫景陵

京湖宣撫使吳玠遣張榮將兵援之金人再犯

景陵張榮死之玠募死士入景陵命其將王宗

廉死守調大軍分道夾擊金人遂去時郡學諭

陳嘉言亦死之

嘉言之死故志云開禧間據史當在是年也

理宗端平三年蒙古忒木解攻襄陽江陵知復

州施子仁死之是年復州景陵併徙治沔陽鎮

以玉沙為附郭

志一

郡紀

九

淳祐十二年二月蒙古寇復州

度宗咸淳八年九月復州副將翟國榮遇元兵

戰爛泥湖死之

咸淳十年元將伯顏及宋兵戰于風波湖

十一月伯顏兵次復州安撫使翟貴迎降伯顏

諭諸將不得入城

恭帝德祐元年四月元將阿里海牙寇江陵宣

撫朱禕孫制置高達降禕孫移檄所部歸附翟

貴以城降

元初還縣治于景陵

世祖至元十二年改復州路

十六年陞沔陽府隸河南行省領縣二景陵沙

成宗元貞二年十二月玉沙水

大德九年五月至七月玉沙江溢

仁宗延祐元年六月沔陽饑

順帝至正九年四月沔陽大水

至正十二年春正月辛未徐壽輝陷沔陽推官

余述祖達魯花赤咬住死之元史是年敗失八都魯引兵敗賊

志一

郡紀

十

十五年春正月丁丑徐壽輝遣其將倪文俊復

陷沔陽陳友諒亦起於黃蓬

六月命章佩監丞普顏帖木兒翰林修撰烈瞻

招諭沔陽

七月命叅知政事哈林禿及王塔失帖木尔守

禦沔陽如賊不降即進兵討之

十一月以太不花為湖廣行省左丞相總兵招

捕沔陽

吳元年沔陽學產瑞蓮

明興初為沔陽府隸湖廣行省

高皇帝洪武九年改沔陽州省玉沙入焉直隸

湖廣布政司編戶四十里領縣一景陵

景陵編戶二十六里

純皇帝成化十年夏大水城內乘舟

敬皇帝弘治六年冬大雪恒寒

十三年太水

毅皇帝正德四年賊丘仁楊清聚衆於麻洋布政使陳鎬副使蔣昇率兵擒之

志一

郡紀

十一

八年夏六月沔陽學復產瑞蓮

十一年大水明年水大饑民物多耗

十三年都御史陳金奏改沔陽隸漢陽府民言

不便者以千數知州李濂奏罷之

今皇帝嘉靖三年十二月晦地震

六年六月大水民田廬皆壞戊辰迅風大雨雹

是夜人畜多溺死

七年夏旱河竭

八年沔陽疫秋七月漢溢

九年秋大水八月丁丑有星如月自東南流于西北俄有聲如雷

史氏曰夫祥異者天乎順逆者人乎隆汙者時乎天兆於上人變於下而時運乎其中矣相與之際何較然弗爽也是故郡之事孰大焉余因稍論次紀之夫沔之事載諸前聞大者如是而已休也咎也臧也否也興也廢也豈非後世之恒鑒哉

贊曰南紀建邦寔維雄鎮兆分祥沴蹟殊休吝志一  
郡紀  
十二  
建革隨遷興替迭運時易事更交徵互應粵稽往牒式昭恒鏡

郡紀

叙按竟陵雲杜漢隸江夏郡晉分江夏置  
竟陵郡治石城猶領二縣梁分竟陵置沔  
陽郡治雲杜領縣無攷隋沔陽郡所領縣  
但存竟陵或省雲杜入之也二城迄無定  
處故志以景陵為竟陵又以其城為雲杜  
城通志以郢為雲杜地一統志又以京山  
為雲杜地安陸志又以郢為漢竟陵縣諸  
說紛紛莫知所在盖竟陵之名昉於史記  
世家漢興因以為縣秦漢止一竟陵至晉

以下郡縣各一安陸志所云謂晉竟陵郡  
治可也謂漢竟陵縣治不可也桑欽水經  
沔水東過雲杜又云夏水出江東至雲杜  
入沔今夏水入沔處淤塞無攷度其勢當  
經景陵地若是則今縣治信雲杜也穀梁  
傳水北曰陽雲杜在沔北故梁置沔陽郡  
治此晉書杜預開揚口起夏水達巴陵胡  
三省引水經註揚水逕竟陵縣北謂之揚  
口據此則夏水入沔處又當為竟陵不為

雲杜矣何與欽異乎漢書劉玄傳馬武王常拔竟陵擊雲杜李賢註雲杜故城在復州沔陽縣西北竟陵故城在郢州長壽縣南賢唐太子所註沔陽長壽皆自當時郢復二州附郭之縣而言其曰沔陽西北者正今景陵治益可見其為古雲杜矣其曰長壽南者則無其地水經書傳漢書皆云章山古之內方在竟陵東北而荆門安陸漢川志俱有章山未知孰是史記正義竟

陵在長壽縣南一百五十里頗與賢同水經註中水西逕揚水謂之中口水西有竟陵故城古鄖國也今景陵西三十里有中港港西亦有城城多荒圯盖自梁已廢正在長壽南百五十里叙訪得之頗與水經註正義合意梁置沔陽郡遂省雲杜而徙竟陵於此爾然其相距太近不應漢晉二縣并置一方玉海以沔陽縣為雲杜豈指今州治耶然無的據不敢彊通姑識之以俟博雅君子